

кичи, дөгду-тани сияхамбари пулэдиэни уди та-
хачи. Эм модан энинчи боачи нехэни, кэтэдимэ
хусэ пиктэни Миша-тани хлебэвэ дьяпандами
тахичи мокчахани, чаду стакамба сар тугбухэни.
Миша энимби мэпи дангсидярам мурчими нгэлэ-
хэни. Стакан даи паси таохасалбани таосанго-
хани, боачи нехэни, наду хумухэни. Нучи
пасисалба-тани хэм таосангора, алтамачи нан-
галахани. Энинчи стакамба гэлэгулухэни, мэдэ-
сичихэни, тотам-да Миша эчиэ-дэ гисурэни.
Энинчи туй эчиэ-дэ сарани.

Дияя чиманива энинчи алтамаду бичин дя-
кава ихамби сиягоани бундэхэни. Ичэйни—
ихан дунгу-дунгу бини, сиарасини. Ихамба окчи-
чилохачи, данимбари хэрсихэчи. Данинчи ункини:
ихан уюн бигилэйни биэси, тотами нёамбани
уликсэнгугуи вавори. Нимкэнду би хусэ найва
хэрсихэчи, тотара ихамба валохачи. Ихан боала
морайвани нучикэндюэн долдихачи. Хэмтудиэри
печка оячиани токора, сонголохачи. Ихамба
вапари, нантавани ачопари, бэевэни сар ча-
сохачи, билгадоани таоха пасивани баого-
хачи.

Чаду сахачи бичин—эй ихан сиаридоани
таоха бичини бими, нёани буйкини. Миша чава
сапи, мангади сонгохани, энинчии гисурэгу-
хэни—стакамба боялихамби, таохава алтамачи
нангалахамби чунгну гисэрэгухэни. Энини-тэни